

ևս զկտորակ մի թղթոյ գրեալ ձեռամբ Գերյարգութեանդ յորում իցէ գրեալ. թէ ահա ըստ խնդրոյ ձերոյ ետու օրինակել ի բուն գրքէ շարադրողին ի մեր վանքն զվարս երա- նելուոյն. և առաքեցի ձեզ: Եւ այս ամենայն է առ ի հաստատութիւն և ի վկայութիւն վարուցն երանելոյն ընդդէմ թերահաւատից:...

1771 Ապրիլի 26
[Կ. Պոլիս]

Նուաստ ծառայ
Հ. Զաքարիա Վ. Ա. Մ.

ՄՂԸ.

Չամչեան Հ. Միք. իր զոյգ ընկերներուն համառօտիւ կը հաղորդէ առած ծա- նօթութիւնները Դամասկոսի, Հալէպի և այլ քաղաքներու մէջ տեղի ունեցած քա- ղաքական արշաւանքներու, ինչպէս նաև Տիարպէքիբի մահտարածամին, Տիգրիսի յորդումին և Պասրայի արտասովոր տօթին մասին:

Մեծարգոյ հարցոյ և համաւնունոյ սիրելի եղբայրդ՝ վերապատուելի տեառն տեառն Հայր Մանուէլ վարդապետի, և վերապատուելի տեառն տեառն Հայր Սոքրիա վարդապետի ողջոյն և խաղաղութիւն ի ֆրիստոս

1771 յօգոստոսի 10

... Ալիպէյն մտրայ հասեալ ի վերայ դամասկոսի՝ և ընդ քսան և հինգ բղեաշիս պատերազմ տուեալ առեալ է գքաղաքն ստուգիւ. և այժմ ասեն, թէ դառնայ ի վերայ Հալպու. և որպէս ոմանք ասեն. մերձ է հասանիլ և պաշարել զայն: Եւ զայլ բազում քաղաքս առեալ է ասեն՝ ձեռնտութեամբ շէխին ազրիոյ, յոր ելաք մեք զառաջինն ի նաւու: Ասեն ոմանք, թէ նաև հերակլն առեալ է զաղձխայ: Իսկ ի վերայ պատերազմին՝ որ ի մէջ հիւսիսայնոյն և հարաւայնոյն ամենևին ձայն ինչ ոչ զոյ. ոչ յաղթութեան և ոչ պարտութեան, և ոչ իսկ հաշտութեան:

Անտանելի մահտարածամ տիրեալ է ի տիրապէքիբ. ուստի և բազումք յերկիւղէ մա- հու փախուցեալ են անտի գալ ի պաղտատ. և ի ճանապարհի մեռեալ են իբրև 160 ոգիք: Իսկ փաշայն պաղտատայ զայն լուեալ՝ արգելեալ է զնոսա երկու աւուրքք հեռի ճանա- պարհաւ զի մի՛ եկեցցեն ի պաղտատ: Բայց այսու ամենայնիւ հիւանդութիւն մեծ և բազում անկեալ է ի պաղտատ. և ոչ գիտեմ՝ ժանտամահ է՝ թէ այլ ինչ. այսչափ միայն լսեմք՝ թէ յաճախեալ է անդ հիւանդութիւնն:

Տիգրիզ գէտն զեղաւ՝ և լցոյց զանապատն պասրայու. և թէպէտ ի սկզբան կլան զայն. այլ ի յորդիլ ջուրցն յուսահատեալ՝ թողացուցին՝ մինչև ինքն դադարեցաւ: Եւ յայնմանէ բազում հիւանդութիւնք անկան ի պասրայ և բազումք ևս մեռան. և այժմ ի մէջ ասորոց յաճախեալ է յոյժ հիւանդութիւնն: Տուն ոչ զոյ, ուր չիցէ հիւանդութիւն. ի միուսն երկու, ի միուսն չորս. ըստ այսմ և յայլս. նոյնպէս և ի մէջ Հայոց:...

Յայսմ ամի այնչափ սաստկացաւ տօթ ջերմութեան քաղաքիս՝ մինչև բազմաց նուազիլ և շնչասպառ մնալ՝ մանաւանդ ի շնչել հարաւային հողմոյն, զոր շալկի կոչեն: Ընդ տօթոյն և իւժային գիշութիւն անտանելի և տամկութիւն ձիւթային և թուլութիւն անզօրանալի. որով այնչափ նուաղեալ եմ, մինչ գրեթէ ոչ գիտեմ ուր եմ, և զինչ գրեմ, և զհարդ գրեմ... ի գրելս իմ զայս թուղթս եթէ զամենայն քրտունս իմ ի մի ժողովէի՝ կարծեմ թէ աւագան մի ջրոյ լնուի:... ոմանք ասեն, թէ մեք յերկտասան ամաց հետէ այսպիսի տօթ չէր պատահեալ ի պասրայ:...

[Պասրա]

Նուաստ ծառայ
Հ. Միքայէլ Զ[չամչեան]. Վ. Ա.